



**Broj/Број: 02 –50 –1-67-30/'04
Sarajevo/Сарајево: 18.10.2004.god**

**ZAPISNIK
30. sjednice Doma naroda
Parlamentarne skupštine Bosne i Hercegovine,
održane 27. septembra 2004.godine**

Sjednica je počela u 12,15 sati.

Sjednicom je predsjedavao Goran Milojević, predsjedavajući Doma naroda Parlamentarne skupštine Bosne i Hercegovine.

Na sjednici je bilo 13 delegata.

Delegati Tomislav Limov i Halid Genjac opravdali su izostanak.

Osim delegata, na sjednici Doma naroda bili su: predstavnici međunarodnih organizacija i predstavnici sredstava javnoga informiranja.

Nakon diskusije u kojoj su učestvovali: Hasan Čengić, Velimir Jukić, Vinko Radovanović, Mustafa Pamuk, Nade Radović, Hilmo Neimarlija, Ilija Filipović i Osman Brka usvojen je sljedeći dopunjeni

D N E V N I R E D

1. Odgovori na delegatska pitanja i delegatska pitanja
2. Zapisnik sa 28 i 29. sjednice Doma naroda
3. Izvještaj Zajedničke komisije o usaglašavanju teksta Zakona o javnim nabavkama Bosne i Hercegovine
4. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji za 2002. godinu
5. Davanje saglasnosti za ratifikaciju Konvencije o osnivanju Vijeća za carinsku saradnju (WCO)
6. Davanje saglasnosti za ratifikaciju Sporazuma o izmjenama Okvirnog sporazuma o slivu rijeke Save i Protokola o režimu plovidbe uz Okvirni sporazum o slivu rijeke Save
7. Prijedlog zaključka Kolegija Doma naroda

Ad-1. Odgovori na delegatska pitanja i delegatska pitanja

Delegat Vinko Radovanović postavio je pitanje Vijeću ministara, Parlamentarnoj skupštini BiH, OHR-u i Ustavnom sudu

1. Da li smo u Bosni i Hercegovini pored Parlamenata i Visokog predstavnika dobili i treći zakonodavni organ - Ustavni sud?
2. Ko u Bosni i Hercegovini ocjenjuje ustavnost odluka Ustavnog suda Bosne i Hercegovine?

Ad-2. Zapisnik 28. i 29. sjednice Doma naroda

Nakon primjedbe delegata Đoke Pajića na zapisnik 28. sjednice a koja se odnosi na to da nije navedeno njegovo ime kao sudionika u raspravi o Prijedlogu zakona o Društvu Crvenog krsta/križa Bosne i Hercegovine, Zapisnik 28. i 29. sjednice Doma naroda je usvojen.

Ad-3. Izvještaj Zajedničke komisije o usaglašavanju teksta Zakona o javnim nabavkama Bosne i Hercegovine

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o usaglašavanju teksta Zakona o javnim nabavkama Bosne i Hercegovine

Ad-4. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji za 2002. godinu

U raspravi su učestvovali: Nade Radović, Hasan Čengić i Ilija Filipović.

Dom naroda je dao saglasnost za ratifikaciju Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji za 2002. godinu uz zaključak:

“Traži se od Vijeća ministara da dostavi izvještaj o tome šta je realizovano od sredstava iz ovog sporazuma»

Ad-5. Davanje saglasnosti za ratifikaciju Konvencije o osnivanju Vijeća za carinsku saradnju (WCO)

U raspravi je učestvovao Hasan Čengić.

Dom naroda je dao saglasnost za ratifikaciju Konvencije o osnivanju Vijeća za carinsku saradnju (WCO)

Ad-6. Davanje saglasnosti za ratifikaciju Sporazuma o izmjenama Okvirnog sporazuma o slivu rijeke Save i Protokola o režimu plovidbe uz Okvirni sporazum o slivu rijeke Save

U raspravi je učestvovao Hasan Čengić.

Dom naroda je dao saglasnost za ratifikaciju Sporazuma o izmjenama Okvirnog sporazuma o slivu rijeke Save i Protokola o režimu plovidbe uz Okvirni sporazum o slivu rijeke Save

Ad-7. Prijedlog zaključka Kolegija Doma naroda

U raspravi je učestvovao Hasan Čengić i Osman Brka

Dom naroda jednoglasno je usvojio sljedeći

ZAKLJUČAK:

Dom naroda traži od Ustavno-pravne komisije Doma naroda da u četvrtak 30.9.2004. godine održi sjednicu Ustavno-pravne komisije na kojoj će kao nadležna komisija razmatrati sljedeće zakone

- Prijedlog zakona o izmjenama i dopunama Zakona o Sudu BiH
- Prijedlog zakona o izmjenama i dopunama Zakona o Tužilaštvu BiH
- Prijedlog zakona o izmjenama i dopunama Krivičnog zakona BiH
- Prijedlog zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini
- Prijedlog zakona o izmjenama i dopunama Zakona o zaštiti svjedoka pod pretnjom i ugroženih svjedoka

Sjednica je završena u 14,45 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Goran Milojević